

春煙淡蕩青山媚行雲亂飄空界花光石潤秀出洞天奇恠戶  
牖平高萬丈盡耳目臨風一快多生浩劫塵情曠朗渾無纖芥  
堪愛逍遙自在疎枷鎖拋離業根冤債風隣月伴道合水晶  
牙賴無限崢嶸勝景盡賜與山堂教賣千乘寶珠酬價問君誰  
解

無愁可解

三子真人

古往今來多憂少喜消化太平難值幸逢聖賢出世布道德談  
羅天地上界真人權下世御萬國不勞神器中外偃武修文敬  
賢尙德致清平瑞 何以上答天恩佳時念因循等閑虛費要  
先崇儉約務飽暖不貪名利向立門求奧祕戒嗜慾保安和氣

道藏輯要

鳴鶴餘音

卷

黃集八  
四三三

更心上物物頭頭放下乃得免人間累

木蘭花慢

本輕清體妙湛然獨與天游爲透入凡胎五行圈圍四大拘囚  
窮年執迷不悟認聲色虛幻故延留元舊仙鄉道域咫尺天地  
迢遙 欲求返本還元誠只在自心頭但默默精思時時探索  
必取功收虛空忽然粉碎盡來生業障一齊休振袂蓬萊閬苑  
不愁弱水無舟

自樂

醉時節就把青山靠醒來時興取瑤琴操操的是鶴鳴九臯水  
色清山色近迤然閒自樂 俺也一如歸闔苑登蓬島且恁底

寄跡人間與造化同游太虛保養得形神俱妙

上平西

這無常兩箇字最難防要來時無處潛藏不論老幼不管貧富  
與賢良不管妻子與兒郎怎戀爺娘身居士血逐水氣隨風  
魂魄游颺細看來怎不情傷休貪火院早早修取上天堂三千  
功滿赴蓬島永住仙鄉

其二

引清風邀明月去來兮省多少閑是閑非臨山近水近些松竹  
向些梅小院活計沒多般詩酒琴棋無榮繫無煩惱無別離  
待改變一味愚癡蠅頭蝸角得失何所更何爲不如聞早樂真

道藏輯要

鳴鶴餘音

美

黃集八

機高卧雲梯

鳳棲梧

日月循環無定止春去秋來多少榮枯事五帝三王千萬禩一  
興一廢常如此死去生來生復死輪迴變化何時已不到無  
心休歇地不能清靜超於彼

其二

綠暗紅稀春已暮燕子噙泥飛入垂楊處柳絮欲停風不住杜  
鵑聲裏山無數竹杖芒鞋無定據好的林泉信腳隨征馭拚  
卻此心生幾許一川風月那爲主

其三